

Transkription von Urkunde HLK 1447c

Ort, Datierung: Lübeck, 1447-09-29

Signatur: Stadtarchiv Hansestadt Lübeck, Niederstadtbuch

Werneke snake vor deme Rade vnde vor deme Boke hefft bekant dat her Benedict(us) / kerckhere to Slukup eme In dat gardebok to scriue(n) hebbe laten twei hoppenhoue / de ene vp dem(e) gheren de andere vp deme quartere bij dem ensedelinghe / belegen to truwer hant des erben(omeden) her Benedict(us) , vnde dē her benedict(us) / bru(n)ken wil to der tijt sines leuendes myt sodanem(e) beschede dat na dode / des suluen her Benedict(us) , der vorscreuen(en) twier hoppenhōue taleke tipphoues / her Benedict(us) meddere , vort brukende schal wesen vnde de hebben to / der gantzen tijt eres leuendes vnde wan de sulue taleke dot is so scholen / de beiden hoppenhace komen vnde vallen , to deme hilgen geste binnen / lubeke na Inneholde vnde vthwisinge Her benedict(us) testamentes vnde / des Instrumentes darcp gemaket [Juss(um) ass ?] /